



AZMI (dua dari kiri) meninjau *panic button* yang dipasang di Taman Tasik Titiwangsa.

Panic button hantar bantuan pantas

(4 NOVEMBER 2022) MHO, P22

Kuala Lumpur: Dewan Bandaraya Kuala Lumpur (DBKL) melancarkan kemudahan 42 *panic button* di taman awam utama sekitar ibu kota.

Kemudahan peralatan *panic button* itu adalah usaha DBKL bagi meningkatkan tahap keselamatan warga kota ketika berada di taman awam.

Panic Button ini peralatan keselamatan tambahan selain sistem kamera litar tertutup (CCTV) sedia ada di taman rekreasi utama DBKL.

“Sebanyak enam unit *panic button* ditempatkan di

Taman Tasik Titiwangsa, Taman Botani Perdana, Taman Tasik Permaisuri, Taman Tasik Metropolitan Kepong dan Taman Metropolitan Batu.

“Sementara itu empat unit *panic button* dipasang di Taman Tasik Ampang Hilir, Taman Tasik Datuk Keramat dan Taman Tasik Manjalara empat unit *Panic Button* akan ditempatkan,” kata DBKL semalam.

Majlis perasmian *panic button* itu disempurnakan Pengarah Eksekutif Pembangunan Sosioekonomi DBKL, Datuk Azmi Abdul Hamid di Taman Tasik Ti-

tiwangsa, kelmarin.

Kemudahan itu boleh digunakan pelawat taman yang berada dalam situasi cemas atau berbahaya dan memerlukan bantuan segera untuk menyampaikan aduan.

Panic button ini berfungsi apabila butangnya ditekan sebelum isyarat kecemasan segera dihantar ke bilik pengawal ranjer taman bertugas.

Saluran intercom dibina adalah platform komunikasi dua hala antara pengawal dan pengadu bagi membolehkan segala maklumat mengenai situasi kecemasan

direkodkan.

Bantuan awal segera dihantar ke lokasi sementara menunggu ketibaan jabatan atau agensi berkaitan bagi kes kecemasan kategori berat.

Bagi memastikan kemudahan ini sentiasa dalam keadaan terbaik rondaan secara berkala dilakukan kakitangan *Kuala Lumpur Control and Command Center* (KLCCC).

Warga kota dinasihati tidak menyalahgunakan kemudahan itu dan melakukan aktiviti vandalisme pada unit *panic button* disediakan.